

# الفلكلور فى مدن القناة وسيناء بقلم

اكرام عيد



عنوان الكتاب : الفلكلور فى مدن  
القناة وسيناء

اسم المؤلف : اكرام عيد

المراجعة اللغوية : دار الفراغة  
للنشر والتوزيع

الإخراج الداخلى والغلاف : إكرام عيد

رقم الإيداع : ٢٠١٩/٢٣٧٨١

الترقيم الدولى : ٩٧٨-٩٧٧-٦٦٦٩-٩٩-٧

محمول : ٠١٠٠٦١٤١٦٤٥

٠٢٣٩٧٦٩١٧٦ / ٠١٢٢٤٨٢٩٥٩١

رئيس مجلس الإدارة : إكرام عيد

المدير العام : أحمد عزت

المدير التنفيذى : عزة إبراهيم

جميع الحقوق محفوظة للناشر

ان الآراء الواردة فى هذا الكتاب لا تعبر بالضرورة عن رأي دار

سبت دياركوا والخطوة  
شايفها ع الطريق ضالة  
وتاه قلبى اللى كان شمسه  
بتغزل م النسيم ضلة  
نسيتموا عشرتى وبعتم  
كرهتموا حتى ناس بيتنا  
يفيدكوا بأيه عذاب قلبى

ونار الفرقة نسيبتنا  
وقولت الاله ورا الثانية  
وقايل قبل منها متين  
اصبر نفسى ع الوحدة  
وفاكر قلبى لسة متين  
لقيته ف بعدكم فاتنى  
يدور عن مطارحكم  
ولف بلاد وراها بلاد  
وقاصد بالخطا ريحكم  
نويت والنية مفروضة  
من القلب اللى عاشقكم  
ألف دروب على قدمى  
واشوف من غيرى عشمكم

وعكر صفو أيامنا  
وشوه صورتى ف عنىكم  
وحرصكم على قلبى  
اللى عاش العمر يعانىكم  
طويت الحزن ف ضلوعى  
وحابس دمع أجفانى  
أخطى الخطوة والتانية  
والقى التالفة رجفانى  
أنادى وصوتى يتحشرج  
ويتلعثم ف أناتى  
القادر أمد ف الخطوة  
والنتو حبستو إهناتى  
أمانة يالى بعنونى

اشترىتوا بقلبى كام مسكين  
وانا اللى كنت متعشم  
وفاكر ف الفؤاد ماسكين

مش ممكن

انا مش ممكن أنساكى  
وابيع الحب مهما يكون  
دا لسة القلب يهواكى  
ولسة بالهوا مجنون

ولوخذنى الزمان منك  
وتهت ف غربتى عنك  
انا مانسيتش عشرتنا  
وحبك فى الفؤاد مسجون  
تقوت أيام وراها أيام  
واصبر قلبى ع الوحدة  
وخايف م اللى جاى قدام  
يضيع بين عند ومناهدة  
واقول م العمر فاضل كام  
عشان أصبر وأستنى ؟  
شاورت لقلبى على غيرك  
ومش راضى بولا واحدة  
يفتنى كتير وبيجياك

تسدى ف وشه مليون باب  
ولما يشوفنى مع غيرك  
بيقلب فرحى كله عذاب  
لا عايش بيك ولا بغيرك  
ولا قادر على الحرمان  
ياتيجى يا اما رح أجيلك  
يا إما تقولى ايه الأسباب ؟  
مش مصدق

انا مش مصدق دى قساوتك  
ياللى انتى ف القلب غلاوتك  
يا محيِّرة الناس ف حلاوتك  
إزاي يهون الحب ف يوم

\*\*\*\*\*

لا عمري خنتك ولا هنتى  
وئستحيل مهما عملتى  
على عرش قلبى اتربعتى  
يصعب عليا أكون مظلوم

\*\*\*\*\*

حرام عليك تظلمى قالك

وتعدننى بنار بعدك  
انتى اللى ف الدنيا اختارتك  
وازاي يجينى ف بعدك نوم

\*\*\*\*\*

بلاش تسرع واتانى  
أصل الخصام هايجينى  
وان ختى على خاطرک منى  
يبقى انكتبلى أعش محروم

## كذاب

انا مش بلومك ياوطن ولاهشتكىك عمرى  
ولو يطول الأجل هيطول معاه صبرى  
كنت السكن والأمان وحضن للمساكين  
دلوقت ساحة قبور طب قولى فىن قبرى ؟

\*\*\*\*\*

مين اللى فارد دراع الظلم ع الميادين ؟  
ودموع ولاد البلد سجادة للظالمين  
راصف طريقه بدم الشهدا لجل يكون  
فرعون بيحكم بلد وشعاره سنة ودين

\*\*\*\*\*

أنا أول اللى بيشهد بالدين وبالسنة  
وآخر اللى إختلف ف الصف واستنى  
بسمع كلام أنبيا وبشوف سلوك شياطين  
من أمتى كان الخداع بيوصل الجنة؟؟

\*\*\*\*\*

كذبك مساوى وربك بالنفوس علام  
والنية لو مش تمام يحليها حلو الكلام  
خليتني اصدق واقول الدنيا لسة بخير  
وكتير خدعهم كلامك علشان ناقصها علام

## واد بتاع

هاتى مهما تجيبى حطى ع اللى فوقى  
مش هقولك شيلى عنى ولا فوقى  
مش هاقول انى تعبت من الجراح ولا  
هاشتكى لك غربتى واطلب حقوقى  
\*\*\*\*\*

ملعون ابو اللى يطاطى راسه لاي ريح  
أو يستعين بك وقت شدة ولو كسـيح  
يا ضحكة على كل اللى حبك بالرتوش  
يامفكرين الدنيا حلوة دا مش صحيح  
\*\*\*\*\*

الدينا صورة جميلة لونها الخداع واللى  
يأمنها ضرورى يبقى مع اللى ضاع إياكو من  
ضحكتها إوعوا تصدقوها كان غيركم  
اشطر كنت عامل واد بتاع

تخذك يومين على حجرها تقول دى ناوية

تدلحك

وتحسبك طعم الأمانى بس هية

بتخذحك

هاتشوف جمال وتحس انك شىء

كبير وف

لحظة تسقط م الهدوم وتلاقى حية

بتلدهك

\*\*\*\*\*

فتح عنيك وان نمت سيب فى واحدة

صاحبة

راقب طريقك والتفت على كل

ناحية

خايك حريص من غدرها مهما

تلاغيك

إن حسنت اتظمنت ليها تضيع ف

ثانية

\*\*\*

خد عبرتك منى وحاسب مهما كان  
انا كنت شاب فتوة وصاحبنى الزمان  
صدقت انى خالص ملكت الكون بحاله  
وكل يوم اغتر بيها وأقول كمان  
طارت بى فوق وسط السحاب ومنعمانى  
وبجهل منى ان افكرته ف يوم مكانى

حدقتى من فوق النجوم ضاع كل شىء  
والصحة ضاعت والتقنى بشكل تانى

\*\*\*\*\*

العمر ولى ولتراب بستنى دورى  
تايه غريب بجنى حصاد ذنبى وغورى  
واستعطف الناس اللى كانو اتمنو ودى

والدنيا نهشت جتتى قولات لها غورى

هكذب

هاكذب واقول انى خلاص مابموتش

فيك

والقلب باعك من سنين ولا هوش

شاريك

الكذب خيبة يا حبيبة ومش ف

طبعى

بس المصيبة بأن قلبى مابىن

إديك

\*\*\*\*\*

إبقى إقطعيه أو فتفتيه علشان

حداك

ملعون أبوه الحب وسنينه  
الهلاك

ياما نصحته وقولت سيبيك م  
الغرام

ماسمعش صوتى ومن ساعتها فضل  
معاك

خليه يأسى و عذبيه وارضى  
غرورك

مابقتش تفرق بين غيابك أو  
حضورك

واتلذذى بطعم العذاب اللى احنا فيه  
لوحتى كانت لوحتى منبع سرورك

\*\*\*\*\*

بس إوعى تنسى إنك جرحتى وما

جرحتك

واتحملك وقت العتاب وكثير

نصحتك

ان السعادة ف الحياة هى

العطاء

وان بغرورك يستحيل هتلاى راحتك



## ناس وناس

فى ناس تشوف النفاق والكهن يبقى ذكاء

والطيبة ضعف وسزاجة و النخوة تقى

غباء

ويشوفوا طولة اللسان والهبش للجدعان

منطق عجيب عندهم ويبدعوا الأخلاق

\*\*\*\*

تسمع فلان يبقى مين ورصيده كام م

المال

مش شرط شههم وشريف او حتى زينة

الرجال

هيفيد بأيه العلام ف عقول عماها الجهل

## القردة تاخذ غزال والقبيح يبقى حمال

\*\*\*\*

عجى العجاب يابلد غيرنا مواز ينك  
عرة شبابك نطق والواقتى بيدينك

الصيص يساوى الرطب عند الغشيم ف  
الكيل

واللص فوق العروش هو اللي بيزينك

\*\*\*\*

نصاب وقول مرتشى ف عرفهم مشروع

ويبقى باشا ابن أيه ف المجتمع مسموع

الأصل قرشك معاك هنا سيد الموقف

تعمل شريف ينهشك الفقر قبل الجوع

\*\*\*\*\*



غير مبادنك وحاول وسط الغلان دى

تعيش

يمكن ف يوم تنستر وتشوف رغيـف

العيش

وبلاش غموس وافتكر ان انت كنت ف

يوم

عاشان شريف متقى مش لاقى تلبس

خيش

\*\*\*\*

أنا أصل كنت غشيم وكرامتى وجعانى

بخاف بتاع الناس و ال دنيا كويانى

كلمة حرام لأ حلال قلقانى طول اليوم

و ضميرى ينقح واقول ربك ماينسانى

\*\*\*\*\*

هو صحيح منسائش بالصحة والأولاد  
وادنى علم وثقافة وشجاعة ابن زياد  
لكن ف عرف الجهول أيه يعنى تملك كام؟  
أبقى حمار ميساويش وخسارة فيا الزاد

\*\*\*\*

وعشان كدا بنصحك ان كنت شاطر غش  
واسرق وعربد ونافق بس اوعى تسرق قرش  
اسرق بنوك البلد وانهب قوت الغلبان  
خللى الفقير يتزنق مايلقى حتى المش

\*\*\*\*\*

تبقى انت أقوى الرجال وف وسطهم سيد  
تخطف غداهم وتعطف وتمثل الجيد  
اسرق جنيهه واعطى قرش من وقت للتانى  
يشفوك يلموا الجيران ويقولوا هنعيد

\*\*\*\*\*

فى ناس كثير زينا ضميرها يحاسبها  
قبل حساب ربنا ولاحد حسبها  
رضية بنصيبيها القليل وحمدة رب كريم  
بس الأكادة غيلان الدنيا ماتسبها

\*\*\*\*\*



وعاشان تجاور ديابة لازم تكون م السباع  
علشان ماتشبع ولادك يخفى ملون جاع  
النخوة والانسانية والرحمة منزوعة  
وبيع مبادئك وماين دا ياما غيرك باع

\*\*\*\*\*

يارب هات رحمتك وسمحنى على اللى اتقال  
انا مش ضعيف الايمان لكن همومى جبال  
شرفى وكرامتى ومبادئى بياعونى كثير  
خايف ف يوم اتزنق ابيع كمان العيال

\*\*\*\*\*

ياما قولت أخاف الحرام ولوأموت م الجوع  
لو حتى هلبس خيش والخيش يكون مقطوع  
يسترها واحد اله بيقسم الأرزاق  
واللى يحمل يشيل انا م الحرام ممنوع

\*\*\*\*\*

خليك ف ريح اللى صابر واتحمل التلقيح  
وعيون بيتغمز عليك ورزالة التلاقيح  
ومهما كانت نياب الفقر تنهش فيك  
أرحم فى يوم الحساب تلقى العذاب بصحيح

مليون مخاوى

وان جاكى مليون مخاوى

يقفوا ف صفاك عدا لى

هعمل مشعوز وحاوى

ولاحد يصمد عدالى

أنا كان لى م الصبر نايب  
لو شلته للناس يكفى  
ولاكانلى فيك عم نايب  
بزرع وبحصد بكفى

\*\*\*\*\*

ولا مرة فكرت أبيعك  
لحد ما انتى اللى بعنى  
وحرمتى غصنى ربيعك  
وللغواية اتبعنى

\*\*\*\*\*

وان كنتى أهلى وديانتى  
أنا عمرى ما اقبل إهانة  
هكفر وأعلن خيانتى  
واشوفلى غيرك ديانة

يا ليلة العيد

ياليلة العيد أنا سهران

لحد الصبح مايجينى

أراقب ضحكته الحلوة

أوضى بها رموش عينى

وألم همومى وأغسلها  
وأطوى صفحة الأحزان  
واقول بكرة اللى جاى أحلى  
وابشر بالصفى سنينى

\*\*\*\*\*

يا ليلة العيد بقلنا سنين  
بنحسب لك ونستناك  
وأعياد السنين عدت  
لا دقت باب ولا شباك  
وبحلم مرة ييجى العيد  
أحس حلاوته زى زمان  
هتعمل أيه التلت ايام  
ولسه القهر بجرى وراك

ياشايؑ بكرة جاى أحلا  
أدينى حسبؑها باليوم  
تعالى نحسب الفرحة  
واعد معاك أنين وهموم

تلاقى الحزن متربع  
على عرش القلوب حاكم  
بيخطف حتى لو بسمة  
ولسة الشفة جاية تقوم

وان ما جاش؟؟

يلا قومى شدى حيلك وانتوا مدوا ايديكوا شيلوا  
الى راح ممكن يجيلك وان مجاش ممكن نجيله  
احنا نوصله ف طريقنا نخده لما لحد عندك  
المهم نزيح غمامك لما كله يشد حيله

\*\*\*\*\*

مصريا ولاد لسة حرة مهما كان فى من فساد  
واللى داق الظلم مرة مستحيل يأدى العباد  
كل واحد فينا عارف سكته لطريق نجاحة  
واللى كان م الظلم خايف النهار ده العدل ساد



فكروا ف بكرة لولادكم والنهار ده مافيش محال  
رجعوا صورة بلادكم علم وحضارة وجمال  
خلوا خطوتكم اصادكم بصوا دايمًا للأمام  
ابدعوا بروح الفريق كل واحد له مجال  
\*\*\*\*\*

انسوا أي خلاف ما بينكم واقتلوا قتن الطغاة  
واللى ناوى يكون مكانكم والشيطان غره وغواه  
عرفوه معنى البطولة وانكم ايد  
واحدة دايمًا من هنا خارجه الرجولة اكسروا  
بايدكم عصاه

## الشاعرة فى سطور؛

الاسم ؛ اكرام على ابراهيم عيد

اسم الشهرة؛ اكرام عيد

شاعرة عامية وراوائية

محل الميلاد ؛ المناخ بورسعيد

محل الإقامة ؛ بورسعيد

العضويات ؛ عضو اتحاد كتاب مصر

عضو اتحاد الكتاب العرب

صدر لها ؛

ديوان عناقيد أمل ونهار مجروح وكل القلوب

توايبت اشعار بالعامية المصرية ٢٠١٠

الهيئة العامة لقصور الثقافة

له تحت الطبع ؛

ديوان مناسبات بالعامية المصرية

ديوان هو وهى اشعار بالعامية المصرية

ديوان حماريات اشعار بالعامية المصرية

شاركت فى العديد من المؤتمرات والندوات الادبية

على مستوى الجمهوري

جميع حقوق النشر الورقي والالكتروني محفوظة للناشر



دار الفراعنة للنشر والتوزيع والترجمة